



Prof.dr. Asim Mujkić: Studenti moraju da postavljaju pitanja o fundamentima na kojima počiva društvo

U trećoj verziji 99. epizode Besjeda o obrazovanju gost je bio prof.dr. Asim Mujkić, redovni profesor sa Fakulteta političkih nauka Univerziteta u Sarajevu



Besjede o obrazovanju – Profesor Mujkić o etici, znanju i obrazovanju

Političke odluke i stanje obrazovanja

Razgovor je započeo političkom situacijom u obrazovanju i kako političke odluke koje se donose bez naučnog uporišta i istraživanja stanja doprinose urušavanju obrazovanja. Profesor Mujkić smatra da je trenutni Zakon o visokom obrazovanju skandalozan i kao takav nema mjesta u politici, izmjena ovog Zakona je potrebna ali uz mnogo više istraživanja i posvećenosti napretku.

Digitalno doba i etička pitanja

U kontekstu digitalnog napretka i promjene koje je taj napredak unio u društvo, profesor Mujkić kaže da su „etička pitanja ostala ista od Sokrata do danas, bez obzira što živimo digitalno doba. Uvijek ćemo se pitati da li smo ispravno postupili. Kapital će se morati kad tad povući iz monopola nad znanjem.”, imajući u vidu aktuelne polemike o intelektualnom vlasništvu.

Ključno pitanje obrazovanja

Svaka zajednica mora da odgovori na najbitnije pitanje: „Kakvu vrstu građanina želimo da odgojimo?” To je ono na što naša zajednica još uvijek nema odgovor, rekao je profesor Mujkić.

Filozofija znanja i postavljanja pitanja

Obrazovna filozofija profesora Mujkića jeste da je najbitnije znati postavljati pitanja, što je objasnio Sokratovom poznatom rečenicom „Znam da ništa ne znam”, koju je profesor prilagodio u „Ne znam ali hajmo razgovarat.” Aludirao je na to kao na put ka znanju.

Preporuke za čitanje

- „*Ruske ideje i srpske replike*” – Latinka Perović
- „*Filozofija palanke*” – Radomir Konstantinović
-

Collections

Besjede o obrazovanju